

Sermip erngullu avammut nioqqutissatut atorineqarnissaat pillugu Inatsisartut inatsisaata allanngortinneqarneranik Inatsisartut inatsisaat nr. 35, 28. november 2016-imeersoq

(Avammut nioqqutissatut pisortani pilersuisumit sermimik imermillu pisisinnaanermut inatsisimmi tunngaviusup allanngortinneqarnera)

§ 1

Sermip erngullu avammut nioqqutissatut atorineqarnissaat pillugu Inatsisartut inatsisaanni nr. 7, 31. maj 2001-imeersumi (sermip erngullu avammut nioqqutiginissaannut inatsit), Inatsisartut inatsisaatigut nr. 3, 15. maj 2014-imeersukkut allannguuteqartinneqartumi, makkua allanngortinneqarput:

1. § 4 kingorna ilanngunneqassaaq:

”§ 4 a. Tamatuma saniatigut Naalakkersuisut ingerlatseqatigiiffimmut pisortat pilersuineranut ingerlatseqatigiiffiannit imermik pisinissamik isumaqatigiissuteqartumut avammut nioqqutissatut imermik atuinissamut akuersissummik tunniussisinnaapput. Akuersissut kisermaassisinnaatitaanertut tunniunneqarsinnaavoq ”

Imm. 2. Imm. 1 malillugu isumaqatigiissuteqarneq, pilersuisussaataaneq aammalu inatsisit atuuttut naapertorlugit pisussaaffiit allat eqqarsaatigalugit pissaaq.

Imm. 3. Pisortat pilersuineranut suliffeqarfiisa imeqarfiisa ilaannit imermik pilersuinissaq pillugu pisortat pilersuineranut ingerlatseqatigiiffiannut isumaqatigiissuteqartoqarsimappat, pisortat pilersuineranut ingerlatseqatigiiffiat ingerlatseqatigiiffimmut namminersortumut isumaqatigiissummi nammineerluni niuerneranut tunngaviusut aallaavigalugit akigititanik, annertussutsinik ilaalu ilanngullugit aalajangersaasinnaavoq.

Imm. 4. Pisortat pilersuineranut suliffeqarfiata aamma qinnuteqartup akornanni atuuttumik aammalu pisussaaffiliiffiusumik isumaqatigiissuteqartoqarsimassasoq, imm. 1 malillugu atuinissamut akuersissummik tunniussinissamut piumasaqaataavoq.”

2. §§ 5 imm. 1-imi aamma imm. 3-mi, 7, imm. 1-imi, 13, imm. 2-mi aamma imm. 3-mi, 21-mi 26-milu allanngortinneqarpoq ”§ 4 malillugu” imatut ”§§ 4 aamma 4 a malillugit”.

3. §§ 12, imm. 1-imi, 13, imm. 1-imi, 14-imi, 15-imi, 16-imi, 20-mi, 23-mi, 24-mi aamma 27, imm. 1-imi aamma imm. 2-mi allanngortinneqarpoq ”§§ 3-4 malillugu” imatut §§3, 4, aamma 4 a malillugit”.

§ 2

Inatsisartut inatsisaat ulloq 1. januar 2017 atuutilerpoq.

Namminersorlutik Oqartussat, ulloq 28. november 2016



Kim Kielsen